

## 立派辨

古者賜性命氏，或因所生之地，或因所封之國，或因所受之官與所守之邑焉。而命名之典則有信、有義與象、假、類五者之分，申繻眾仲之論詳矣未聞於氏族中，必立一派以相屬，而昭穆尊卑、始有所辨者，即如我族。自唐以來，代有譜牒，然考敕表序傳以及世次圖系，亦未傳其某世宗派為何如？某世宗派又何，若？且考立派之義，先明永樂時始有之，而立名諱者，率多取五行相生之義，疊次相乘，派豈獨始於此歟？抑其先已有宗派作譜者，因覆姓字義重冗就簡刪繁，如今人稱吾族歐陽，不并呼者歟？今自本原圖以下，及各支始遷祖以來，派演之有無同異，皆遵舊典，至前清乾隆四年，倡修資江譜，始立新派二十代。至咸豐己未四續，復增派語二十字。於以見上有所承而下有所統云。